


順權方便經



百五十七
壹一

48349



元祿九年丙子二月日重脩

皇國聖國 帝漸銀昌

佛日增輝 慧輪常轉

山城州天安寺法金剛院置



順權方便經卷上

西晉三藏法師竺法護譯

山丘徐高

沙門法品第一

聞如是一時佛在王舍城靈鷲山中與大比丘衆俱比丘五百菩薩八千一切大聖神通已達已逮揔持辯才無礙獲無所畏得不起忍奉無數佛植衆德本皆志大乘至不退轉如無盡哀救濟十方



其名曰空無菩薩持土菩薩持人菩薩持祠身菩薩觀意菩薩淨意菩薩上意菩薩信樂意菩薩持意菩薩增念意菩薩喜見菩薩善見菩薩可見見菩薩普利可見菩薩彌勒菩

薩普及一切賢劫菩薩咸來集會悉共俱坐
尔時世尊在王舍城開化一國國王大臣百
官群僚長者梵志凡庶人民僉共一心奉事
供養衣被飲食醫藥牀卧一切所安莫不欣
然於時賢者須菩提明旦著衣持鉢欲行分
衛未入城門行詣佛所稽首足下退住一面
前白佛言唯然大聖我夜卧寐夢中見已坐
佛樹下而見如來稽首足下遷住一面時佛
以紫金色手摩我頂上頌宣斯言而告於我
今日須菩提當得逮聞古昔已來所未聞法
唯聖垂愍取說此意是則何等先之瑞應佛
告須菩提有法典名曰順權方便諸族姓子

及族姓女所宜奉行以斯。比像先現瑞應。仁當逮聞未曾有法。時須菩提前白佛言。我今欲入王舍大城。因行分衛。佛言。從意順時。無違道節善哉行矣。

時須菩提見佛聽之。入城分衛。普行求食。尋到諸家貴姓長者梵志。因入其舍。在門中庭。默然而住。時長者家有一女人。普莊嚴身。珠璣瓔珞。服栴檀香。以紫金寶文飾其體。端正殊好。威發晃昱。光澤第一。淨如蓮華。從其室出。問須菩提。賢者何緣住門中庭。須菩提報曰。姊欲知之。故來分衛。其女荅曰。今須菩提故復懷抱分衛想。平未斷思食耶。須菩提荅。

曰婦欲知之食想已斷又有是身父母遺體
在胞胎中飲食養之而至成長習之來久不
可離食女又問曰須菩提賢者未斷生死衆
行故有終始愁感悲泣不可意惱不造證乎
須菩提答曰已造證矣身口心寂又問賢者
爲滅身乎須菩提答曰其滅度者無有身也
法無所除亦無道行女又問曰若使諸法皆
無滅除無所行者賢者須菩提云何捨身而分
衛乎安和成就也須菩提答曰其滅定者當
普觀之休息興立顯身亦復非造女又問曰
其滅定者所在定行則不滅度若以滅定則
無所生亦無所滅女又問曰若無所生無所

滅者云何賢者離身分衛不以安和須菩提
答曰如來聲聞行分衛時為捨身耶女又問
曰佛歎賢者於聲聞中行空第一空有處耶
須菩提答曰然如姊來言女又問曰其所行
空豈往反乎須菩提答其行空者無有往反
女又問曰假使空行無有往反賢者何故周
旋行來而分衛乎須菩提答曰雖行分衛不
貪養身欲以休息痛痒苦故而行分衛也女
又問曰賢者復有痛痒懷惱衆難厄乎須菩
提答曰無痛痒不懷衆難又欲休息飢虛痛痒
故行分衛其女答曰賢者今行不等空業所
以者何其行空者不以痛痒而為苦患一切

三界無所有故又行空者不猗身心不生念
身心亦無所染無樂不樂其行空者悉
無諸法乃處閑居女又問曰賢者處在閑居
行空第一以何等故名曰空閑須菩提答曰
所以曰空不以因緣捨歆衆塵乃曰閑居女
又問曰其行空者捨貪欲乎須菩提答曰其
行空者不捨貪欲耶女又問曰云何捨欲名
曰行空須菩提答曰所可說者是假言辭又
問賢者行空豈有辭乎而仁說之須菩提答
曰假託辭耳賢聖聲聞本之言教也女又問
曰咨嗟言辭心存言辭則墮顛倒其墮顛倒
則處諍訟其處諍訟則非沙門不應法義須

菩提問姊何謂名曰沙門法義其女荅曰無
有言辭乃沙門法若無言辭則無顛倒無顛
倒者則無諍訟無諍訟者是沙門法所致法
者永離二行乃謂一法謂沙門法無想不想
永寂衆想乃謂沙門無爲無散遠離合散超
越邪迹入平等道謂沙門法無有境土離於
分界無爲滅度謂沙門法以知止足不貪道
俗永無所著亘然無迹謂沙門法無著無縛
亦無有脫等猶虛空謂沙門法亦無心念除
心意識謂沙門法常知節限少欲少事無所
希望謂沙門法消去貪欲心無所慕志若太
山不可傾動謂沙門法棄捨欲樂心不虛渴

不好三界謂沙門法皆離分界十方境土越諸所作無所起生謂沙門法捨五陰魔及有形體無有衆難無有塵勞謂沙門法越度魔界貪欲所消心無所生亦不馳逸謂沙門法以超死魔而無所著不懷望想謂沙門法不慕天魔心無所思志等如地謂沙門法不著吾我解一切空寂然憚怕謂沙門法心無所倚以無想行而不增損謂沙門法以捨望想心無所願不有取捨謂沙門法遊在三界而無所行泐衆疑網謂沙門法消衆入無無有諸衰陰蓋永滅謂沙門法捨于調戲不存放逸降伏其心謂沙門法不抱瞋恚心不懷恨

寂寞定意謂沙門法無有飢渴不存虛之心
無合會謂沙門法無有二行已捨二業而等
同像不高不卑不舉不下謂沙門法以棄兩
事行無所著無所罣礙謂沙門法斷除俗業
却衆陰蔽不貪四大謂沙門法分別五陰諸
種本末無有諸入謂沙門法頡頏宜一切十方
法界無有境土謂沙門法曉了諸入自然如
化本無處所謂沙門法自然如空而暢無爲
不好有爲謂沙門法永以棄去一切諸數無
有取捨謂沙門法自於己利而知止足不有
諍訟謂沙門法和心一切顯現衆生等行忍
辱謂沙門法無所亡失心不忘捨逮得解脫

謂沙門法心以解脫而無所怙。且然寂寞。謂沙門法猶若虛空。不可譬喻。等無有侶。謂沙門法。女說於是行沙門法時。諸天子等集會。門庭四十天子。遠塵離垢。諸法眼淨。五百天子。舉聲歎曰。篤信微妙。聞於上法。至心和雅。悉發無上正真道意。

見諦品第二

尔時賢者須菩提而口歎曰。至未曾有。是姉辯才慧明。巍巍所頒。宣法音聲和雅。必佛威神。將是如來所化。不疑於時。彼女知須菩提。心念本末。報須菩提。如今賢者所識。察之。共沙門法。離於分界。無有境界。土無著。無縛。亦無。

所脫心自念言必如來化誠如所云今吾觀
身如來所化現作女像悉了本無所以者何
如來至真解暢本無吾身本無等無有異由
是之故如來所化如來色本無我色本無無
二亦復然矣以是之故如來所化痛痒行識
皆爲本無五陰本同自然無際悉爲本無以
是之故如來所化如來本無一切衆生其無
本無諸聖本無吾身本無等無有異以故名
曰如來所化如來本無一切諸法亦復本無
一切道義亦復本無身亦同然以是之故如
來所化如來本無悉無所生無有處所如來
本無悉無所生亦無所滅吾身本無不起不

滅以是之故如來所化如來本空一切如幻
吾身本無本無同然本空不起不滅以是之
故如來所化如來所化一切本無一切衆生
本無處所諸法本無其本審諦真實本無等
無有異悉虛無形又須菩提舉要言之一切
諸法皆任本無吾以是故如來所化時須菩
提問其女言云何今姉以佛聖威知我心念
爲以已力明見之耶其女荅曰今須菩提能知
他人衆生心所念乎聲聞緣覺諸菩薩衆五
通仙人外學異法皆佛威神而有所知所以
者何一切應時從佛受教如今尊者須菩提
知於他人衆生心念以是之故亦佛威神而

能知之猶如天下一切衆生因以日月大炬
燈火十方衆炎諸有光明緣覩諸色如是須
菩提諸佛弟子見衆生心照以聖慧消愚癡
眞使逮道明皆佛威神於時賢者須菩提謂
其女曰唯爲我說今女爲誰從何而來乃有
此辯女荅須菩提假使有人問如來化今汝
爲誰從何而來於時化佛以何發遣須菩提
荅曰無所發遣其女荅曰如是須菩提其化
自然解諸法相一切如是亦無所知女又問
曰今問仁者爲有學業爲是凡夫是羅漢乎
若作是問以何荅之須菩提荅曰吾非學業
亦非凡夫亦非羅漢其女問曰今須菩提以

心相倚而答我耶報曰如是須菩提曰女何報我女曰若深山中聞所呼聲乎以用心意而相答耶答曰不也響因虛空而有其音女曰如須菩提豈可逮致乎緣其法行得入道耶因立證明成就道德而可處當也音聲本無吾我言辭亦復如是悉亦本無時虛空中自然有音歎於此辭女說是言令須菩提遙聞虛空自然之音宣揚答曰向者仁言吾非學業亦非凡夫亦非羅漢行得執持何法諸漏已盡至於等時以致羅漢耶須菩提答曰若如來化行得處所我執持行其宜若斯其女答曰仁須菩提非羅漢乎諸漏不盡耶佛歎

仁者諸聲聞中行空第一須菩提荅曰吾非
羅漢諸漏不盡亦不行空不歎第一女又問
賢者心樂堪任云何自誤而竊妄語須菩提
荅曰假使我見智達諸法已得羅漢衆漏化
盡卽尊歎詠行空第一卽乃我墮妄語兩舌
我不知法不覩所在以是之故不爲妄言所
言至誠女又問曰仁者須菩提此諸天子其
見諦者來會門下聽受經法謂仁不實須菩
提荅曰其見諦者諸天世人莫能欺者女又
問曰賢者若有所見爲不至誠須菩提問曰
其有所見爲不諦乎女曰其覩誠諦不可見也
女又問曰耆年須菩提能見真諦乎須菩提

荅曰假如女言我悉不見欺詐之業況復覩
見至誠諦耶所以者何一切皆空於時須菩
提謂其女曰所言至誠爲何謂耶女荅曰唯
須菩提所云何至誠於一切法悉無所生其
見誠者則覩顛倒須菩提問女爲誰說斯如
是言教其女荅曰唯須菩提處在顛倒不起
塵勞不起見諦乃爲真諦以覩在倒不見真
諦時諸天子會在門下覩其女身微妙之業
則瞽盲女禮須菩提口宣斯言聞須菩提親
覩此女聽其辯才各自歎曰爲得善利無極
之慶若聞是教篤信愛樂亦復難遇况復好
喜而奉行者德不可量

女復謂須菩提猶如斯地無所不忍淨與不
淨香潔臭穢不以增損若有行者修平等心
悉忍苦樂不以進退猶如淨水無所不洒淨
不淨物不以憎愛行者如是心猶若水洒除
衆惡三垢之穢在於善惡不用增損猶若火
然在所燒盡無所去就行者如是消除禍福
若遭二難等無增損猶若風起在所而飄不
有愛惡行者如是若遇苦樂賢愚淨穢不以
增損猶若喻空靡所不忍空不念是忍與不
忍行者如是心平如空無有增損所值善惡
不以喜怒猶若橋船一切衆人王者小人貧
貴尊卑皆猶之度無所分別行等心者亦復

如是志若橋船無有瞋喜怒反無二明智賢
士忍於凡夫聖慧坦然心不有二所以者何
若須菩提發起瞋恚厭恨之心同於學士皆
當忍之不當怒報也今不瞋恨猶如火熾尋
時滅之不當使盛如是須菩提若貪欲與塵
勞然熾制伏其心今不馳逸乃逮正定

尔時賢者須菩提問其女曰汝何志求而乃
如是師子吼乎其女答曰若有志求未曾能
暢師子吼也其無志求乃師子吼所以者何
有所求者則墮顛倒以墮顛倒無師子吼有
所志求便為貪身輒墮諸見無師子吼又賢
者問女何志求而乃如是師子吼乎賢者何

求漏盡意解。須菩提答女姊欲知之不用志求而致解脫。女又答曰。耆年本時無所志求。致得漏盡意解乎。吾亦如是。逮無所逮。其法界者。行無所獲。須菩提曰。如今觀女必志大乘。終無疑也。以是之故。大師子吼舉動進止。言談以類大乘之學。女又問曰。豈能識別大乘行迹。舉動進止。爲何等類。須菩提答女曰。聲聞雖聽不能頌宣。大乘所覩。唯女堪任。敷演大乘所行深妙。廣爲分別。女曰。賢者其大乘者。無所罣礙。慧無陰蓋。其明無二。此之謂也。猶日月前健行。諸天自恣。無礙無能蔽者。住於虛空而飄疾。行所遊天下。周遍四域。照

閻浮利衆生蒙明莫不被荷大乗如是正士
廣學無所罣礙無能蔽者其心等住任無所
住其心奉行六度無極顯示十方一切法明
故曰大乗猶轉輪王所遊行處輒居四域菩
薩大士至若干種衆生類中在衆邪行等修
慈心其大正士如是所至到處常能獨步沙
門梵志諸天人民群國縣邑州域大邦利益
衆生菩薩常行四恩之業救攝一切修若干
敬故曰大乗諸天龍神捷沓耜阿須輪迦留羅
真陀羅摩休勒釋梵四天明智賢聖正士聰
達以諸平等正行之無逮成真諦所見奉敬
故曰大乗其大乗者唯須菩提而不可盡悉

無所生不斷佛教三寶之訓。諮受佛慧道法之業。奉順聖衆以大慧明勸化衆生善具。弘妙無雜碎行所作真正解暢備悉六度無極。以四恩行救攝危厄寂然庠序修八正道。意止意斷奉無極慈修無蓋哀堅住大道於一切智永棄畏難降伏衆魔捨諸闇昧顯智慧。明當衆德本諸行具足諸天人民阿湏倫所見歸命衆魔外學莫不降伏一切聲聞諸緣覺等莫能當者化衆不信令篤樂法慈悲愍念諸懷瞋害以布施攝慳貪以持戒攝犯禁以忍辱攝瞋恚以精進攝懈怠以一心攝亂意以智慧攝愚癡以財寶攝貧窮以安和攝

苦患以歡悅從明智故曰大乘

分衛品第三

於是賢者須菩提問其女曰快歎大乘須宣
行業瑞應本末其女荅曰正使我身一劫過
劫咨嗟大乘不能究暢得其邊涯如大乘業
不可限量其德至淳功勳名稱不可得計又
須菩提謂其女曰姊問我言賢者何故而行
分衛如來至真亦行分衛從如來緣奉不違
命其女荅曰唯須菩提能知諸佛善權方便
欲開化衆故行分衛須菩提問女女亦堪任
諸佛若干行隨時之義吾身不能唯說其意
修權方便行分衛乎女復報曰賢者復聽如

來至真以二十事觀察法儀而行分衛何謂
二十一日現己身色形像微妙端正二曰順
從如來分衛學法三曰若有衆生欲習嚴佛
三十二相四曰觀如來身具足莊飾五曰如
法備悉身相種好六曰令發無上正真道意
七曰念於如來而行分衛如法效之八曰若
如來入郡國縣邑郡國縣邑普得安隱九曰
盲者得目悉覩諸色十曰聾者得聽別若干
音十一曰心亂迷惑者伏定其意十二曰若
裸形者得自然衣十三曰飢得食糧十四曰
渴得水漿十五曰病者得愈十六曰無怒無
癡十七曰無貪無嫉十八曰不恨不恚亦無

自大十九日心不懷惱普愍衆生二十日念
無鞅數衆生之類如身父母是謂二十若使
如來入郡國縣邑坵聚行分衛者令諸衆生
有所見聞發無上正真道心又須菩提世尊
大哀來化衆生無數衆苦悉至三界隨時救
護如來現義因得自在故行分衛唯須菩提
如來所入郡國縣邑行分衛時無數諸天龍
神捷沓怱阿須倫迦留羅真陀羅摩休勒釋
梵四王皆隨侍之奉事供養承佛威神皆發
道心又須菩提諸天龍神釋梵四王供養如
來見如來身道明無邊寂然庠序心自念言
至未曾有如來至真所宣正典我等諮受所

奉經法愛樂自歸如來至真發大道心以是
之故而行分衛唯須菩提如來分衛無數衆
人慕官貪士好財志豪求端正色欲多眷屬
見佛世尊捨轉輪位出家爲道心自念言觀
佛大哀詣貧匱家而行分衛棄世榮祿發無
上正真意故行分衛唯須菩提諸大尊神天
子梵天承佛威神觀見如來心自念言如來
常充未曾飢渴用愍衆生故與眷屬而行分
衛我等慕樂夙夜精進成至正覺與眷屬俱
而行分衛作是念已發大道意唯須菩提若
懈怠衆嬾惰不勤見於如來入郡國縣邑州
域大邦心中歡悅稽首自歸發平等心慕最

正覺唯湏菩提見諸佛尊終不虛妄衆人覩
聞其音響者一發意頃以爲道本因是究竟
得至滅度以故如來而行分衛唯湏菩提如
來入郡國縣邑諸在縛繫閉在牢獄而得解脫
衆生若聞如來名号承其聖旨自然得解欲
報慈恩發無上正真道意以是之故而現分
衛唯湏菩提族姓子族姓女若聞如來功勳
之德歎詠名稱適承其号奉上如來餽饌異
味衣被牀卧及他異供敬護父母兄弟姊妹
夫婦子孫若無因緣不得故往奉覲如來以
故如來入於郡國縣邑而行分衛心懷踊躍
貢上供養皆發無上正真道意唯湏菩提其

四天王奉如來鉢若貧窮衆少於財寶欲薄
布施者見如來鉢自然而滿大財富者欲廣
施者見如來鉢空自供施佛皆發無上
正真道意以故如來現行分衛唯須菩提假
使如來取若干饒悉齊合著百千億鉢還著
一鉢不令雜錯各如本故無數諸天龍神捷
沓起阿須倫迦留羅真陀羅摩休勒覩於如
來變化示現得未曾有善心生矣皆發無上
正真道意以是之故而行分衛唯須菩提如
來身者金剛之數無量福會如來身者無有
生藏及與熟藏亦無不淨大小之便不用飢
渴而行分衛現有所食不覩所入而見如來

顯明大慧真正之法皆發道意又須菩提若有衆生施如來食多少麁細甘美不好所貢上饒在於如來所種德本所立福祐不可限量無有邊際況復廣施受天人福衆祐不盡至得滅度以是之故而行分衛又須菩提如來一定三昧正受無數神尊諸天子等衆梵

天王色行天子見於如來而行分衛不捨三昧心自念言今佛愍哀衆生之故而行乞食不用飢乏諸天人民覩斯義利皆發道意以故如來現行分衛又須菩提如來常懷賢聖自在而行分衛無有貪嫉亦不飲食爲諸信者頒宣經道今出家學化族姓子女故行分

衛未曾曾飲食其飢饉者不能自致至於道
德欲令此等所願具足故顯分衛又須菩
提如來執懷賢聖自行分衛救諸不賢濟
衆罣礙使無所著令興大道至無極慧又須
菩提如來愍念將來之世邊地諸國故行分
衛得無後世不信道法長者梵志心自念言
此等聖師不行分衛弟子何故橫行乞食見
諸比丘及比丘尼懷恚不喜由是之故佛現
分衛心自念言佛無上尊愍衆分衛弟子法
之因供咨嗟手自斟酌施與比丘此等學士
承佛至教而行分衛見之欣然供養一切比
丘比丘尼以故如來而現分衛又須菩提諸

王帝主太子長者梵志大臣百官諸子見於
如來無上正真不乞食者若有衆人信樂道
法棄家行學而作沙門耻於分衛我等家門
姓貴豪尊出爲沙門反從庶民貧家下劣乞
分衛乎以故如來現行分衛心自念言如來
大德猶如虛空愍行分衛況我等乎念此不
慙哀諸下劣樂行分衛又須菩提如來普隨
世間習俗而勸化之因其勸樂各從衆生應
受化律而授道教如來各隨而建立之緣其
方便未曾飢虛無有衆患飢渴之難不以羸
劣無有慳嫉無有衆惡決諸疑網如是須菩
提如來以此無量方便欲救衆生故行分衛

度衆闡塞使見道明女謂須菩提賢者寧能以是隨時方便用斯大哀如此衆祐建修清淨行分衛乎須菩提荅曰姊我不堪任猶如一切野狐狸兔衆獸小垂不能當任師子鹿王不能獨步而現其前師子吼也如是一切聲聞緣覺之乘不任如來威神禮節善權方便普安一切大慈大哀女說此善權方便如來大哀時其女父母長者家中大小及餘長者來入舍中聞所說法二萬八千人皆發無上正真道意

順權方便經卷上

祠音詞僚音寮僉咸也分衛乞食也頒音班珠璣

下居依反圓者晃昱三胡廣反下余菊瘁音

日珠不圓曰璣儗於離反亘然奇反惔怕上徒敢反下疋白

怙音戶沓音沓愬上徒合反涯音魚佳反一岸裸胡反

反赤匱求位反餽上戶交反斟音針狐

狸上音胡體也

